

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA FOJNICA
OPĆINSKA IZBORNA KOMISIJA

Broj: 195 -2/24
Fojnica, 06.08.2024. godine

Na osnovu člana 2.19. Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 32/10, 18/13, 07/14, 31/16, 41/20, 38/22, 51/22, 67/22 i 24/24), a shodno odredbama člana 2. Uputstva o žrijebanju političkih subjekata za mjesto u biračkom odboru za Lokalne izbore u BiH 2024. godine („Službeni glasnik BiH“, broj: 31/24), Općinska izborna komisija Fojnica sačinjava

IZVJEŠTAJ
O KONAČNOJ DODJELI MJESTA U BIRAČKIM ODBORIMA

Na osnovu člana 2. Uputstva o žrijebanju političkih subjekata za mjesto u biračkom odboru za Lokalne izbore u BiH 2024. godine Općinska izborna komisija je uputila poziv političkim subjektima ovjerenim za učešće na predstojećim izborima u izornoj jedinici koji imaju pravo da učestvuju u postupku žrijebanja da prisustvuju postupku dodjele mjesta u biračkim odborima koje je organizovano dana 06.08.2024. godine (utorak) sa početkom u 14:00 sati u prostorijama Općine Fojnica.

Javnoj dodjeli pozicija u biračkim odborima u osnovnoj izornoj jedinici Fojnica (114A Fojnica) pravo na učestvovanje u postupku dodjele pozicija imali su slijedeći politički subjekti:

1. SDP BiH
2. HDZ 1990
3. SDA
4. HDZ BiH
5. KOALICIJA TROJKA (SDP BiH -NIP-NS)

Javnoj dodjeli pozicija u biračkim odborima pristupili su predstavnici slijedećih političkih subjekata:

1. SDP BiH
2. HDZ 1990
3. SDA
4. HDZ BiH
5. KOALICIJA TROJKA (SDP BiH -NIP-NS)

U postupku dodjele mjesta u biračkim odborima, Općinska izborna komisija Fojnica je postupala u skladu sa odredbama člana 2. citiranog Uputstva, odnosno koristila je Listu ovjerenih političkih subjekata koji su imali pravo da učestvuju postupku žrijebanja za osnovnu izbornu jedinicu Fojnica koja je dostavljena od strane Centralne izborne komisije BiH.

Popunjavanje mjesta u biračkim odborima izvršeno je na način da je žrijebom utvrđen redoslijed političkih subjekata, a zatim popunjena je prva pozicija prvim izvučenim političkim subjektom na prvom biračkom mjestu sa liste biračkih mjesta, a potom se članstvo u prvom biračkom odboru popunjavalo nazivima političkih subjekata pridržavajući se žrijebom utvrđenog redoslijeda dok se nije popunilo članstvo u tom biračkom odboru. Nakon toga se članstvo u narednom biračkom mjestu popunjavalo sa narednim političkim subjektima sa liste političkih subjekata. Postupak se ponavljao za svako biračko mjesto do konačnog popunjavanja svih mjesta u biračkim odborima.

S obzirom na pravilo da članica koalicije i njihova koalicija ne mogu dobiti mjesta u istom biračkom odboru, izvršena je zamjena mjesta u biračkim odborima, tako što je koalicija, odnosno politička stranka premještena u naredni birački odbor.

Propisanim postupkom izvršena je dodjela pozicija za 18. redovnih biračkih mjesta kao i za dva mobilna tima.

Po okončanom postupku, Općinska izborna komisija Fojnica je svim prisutnim predstavnicima političkih subjekata obezbijedila primjerak Tabele – Pregled konačne dodjele mjesta u biračkim odborima sa Izvještajem koliko su politički subjekti dobili mjesta u biračkim odborima.

Dodjela mjesta u biračkim odborima obavljena je kroz 14 krugova dodjele, dok su politički subjekti dobili slijedeći broj mjesta u biračkim odborima:

1. SDP BiH – 15 biračkih mjesta
2. HDZ 1990 – 15 biračkih mjesta
3. SDA – 15 biračkih mjesta
4. HDZ BiH – 14 biračkih mjesta
5. KOALICIJA TROJKA (SDP BiH -NIP-NS) – 15 biračkih mjesta

Općinska izborna komisija Fojnica je upoznala predstavnike političkih subjekata sa obavezom dostavljanja prijedloga za članove biračkih odbora i njihovih zamjenika za biračka mjesta u kojim su dobili pozicije najkasnije u roku od 7 (sedam) dana tj. do 13.08.2024. godine (utorak), naglašavajući istim da prijedloge za članove biračkih odbora, podnose u skladu sa odredbama člana 2.19 Izbornog zakona BiH i Pravilnikom o postupku imenovanja i razrješenja biračkih odbora za Lokalne izbore u BiH 2024. godine, vodeći računa da predloženi kandidati imaju prebivalište na području općine Fojnica, da imaju najmanje srednju školu i da im nije izrečena sankcija od strane Centralne izborne komisije BiH.

Ovjereni politički subjekti obavezni su, prilikom dostavljanja prijedloga za članove biračkih odbora izbornoj komisiji dostaviti obrasce „SG-1“ (izjava predloženog člana biračkog odbora/mobilnog tima), svojeručno potpisane od predloženih kandidata za članove biračkih odbora i ovjerene pečatom i potpisom ovlaštenog lica ovjerenog političkog subjekta. Ovlašteno lice je lice koje je politički subjekt ovlastio za zastupanje kod Centralne izborne komisije BiH i to lice može ovlastiti jedno ili više lica da ispred tog političkog subjekta da potpisuje „SG-1“ Obrasce u toj izbornoj jedinici u kojoj imaju pravo dostavljati prijedloge za članove

biračkih odbora. Akt ovlaštenja za lice koje može potpisivati „SG-1“ Obrascu politički subjekt je obavezan dostaviti izbornoj komisiji najkasnije sa danom predaje prijedloga za članove biračkih odbora.

Politički subjekti će imati obavezu, ako to izborna komisija zatraži, dostaviti dokaze o posjedovanju kvalifikacija i ispunjavanju uslova predloženih kandidata za članove biračkih odbora/mobilnih timova.

Ako politički subjekt ne dostavi imena kandidata za članove biračkog odbora u navedenom roku, to će se smatrati odustajanjem od dodijeljenog mjesta u biračkom odboru ili ako je broj kandidata za članove biračkog odbora predloženih od ovjerene političke stranke manji od broja članova biračkog odbora, izborna komisija će samostalno imenovati članove biračkog odbora, vodeći računa o multietničkom sastavu biračkog odbora, gdje je to moguće.

Prilog:

- Tabela - Pregled konačne dodjele mjesta u biračkim odborima;
- SG-1 Obrazac .

Dostaviti:

- Političkim subjektima /1-5/,
- ⊖ Oglasna tabla Općine,
- ⊖ Web stranica Općine Fojnica,
- A/a.



**OPĆINSKA IZBORNA KOMISIJA
PREDSJEDNICA**

Amra Kucuk
Amra Kucuk, dipl. pravnik